

**PERTANYAAN-PERTANYAAN MULUT DARIPADA
Y.B. DATUK HAJI JOHAN BIN ABDUL AZIZ
(N24 SEMENYIH)**

TAJUK : BEKALAN AIR BERSIH DI KAMPUNG NAGSYABANDIAH, KAJANG

321. Bertanya kepada Y.A.B. Dato' Menteri Besar:-

- a) Kampung Naqsyabandiah, terletak kira-kira 4 km daripada Bandar Kajang. Ia berada dalam DUN Semenyih. Sehingga kini, kampung ini tidak mempunyai bekalan air bersih. Mohon penjelasan apakah perkembangan projek membekalkan air bersih di situ seperti tender yang pernah dikeluarkan pada 2013

JAWAPAN:

- a) Penduduk kampung ini tidak menerima bekalan air bersih semenjak tahun 1980-an lagi disebabkan masalah tekanan air rendah dan terpaksa bergantung kepada sumber air bukit berikutan lokasi kampung ini yang terletak di kawasan yang tinggi. Pada tahun 2013 hingga 2014, SYABAS telah menaiktarafkan sistem bekalan air ke Kg. Naqsyabandiah dan dengan penyempurnaan projek tersebut, secara teknikalnya, tekanan air adalah mencukupi untuk membekalkan air kepada penduduk kampung.

Namun begitu, timbul masalah baharu di mana apabila bekalan air dibuka, paip retikulasi sedia ada telah pecah dan bocor di beberapa tempat. Setelah meneliti masalah ini, SYABAS mendapati ianya berpunca daripada keadaan paip yang telah usang dari jenis *Asbestos Cement (AC)* dan telah lama tidak digunakan. Paip retikulasi sedia ada tidak dapat diuji sebelum ini kerana tekanan daripada paip agihan tidak mencukupi untuk membekalkan air ke kawasan ini. Anggapan yang dibuat adalah paip retikulasi ini adalah di dalam keadaan baik ketika kajian menaiktarafkan dijalankan dan seterusnya ia tidak dimasukkan ke dalam skop kerja menaik taraf tersebut.

Bagi mengatasi masalah ini, SYABAS melalui surat bertarikh 8 Disember 2014 dan 7 Mei 2015 telah mengemukakan cadangan kepada Kementerian Kemajuan Luar Bandar & Wilayah (KKLW) untuk memasang sistem paip retikulasi termasuk paip komunikasi di Kg. Naqsyabandiah untuk dimasukkan di bawah Program Bekalan Air Luar Bandar (BALB). Skop kerja utama ialah pemasangan paip jenis HDPE berukuran 160 mm.

Walau bagaimanapun, KKLW melalui surat mereka bertarikh 10 September 2015 telah menyatakan bahawa mereka tidak dapat mempertimbangkan permohonan SYABAS tersebut kerana ianya adalah melibatkan pemasangan

paip baharu bagi tujuan menaik taraf sistem sedia ada di kampung tersebut yang mana adalah di luar skop Program Bekalan Air Luar Bandar (BALB).

SYABAS akan mengkaji semula kos keseluruhan kerja pemasangan paip retikulasi dan menyerahkan pelan cadangan untuk mendapatkan kelulusan Suruhanjaya Perkhidmatan Air Negara (SPAN).

**PERTANYAAN-PERTANYAAN MULUT DARIPADA
Y.B. TUAN NG SUEE LIM
(N04 SEKINCHAN)**

TAJUK : JABATAN KEHAKIMAN SYARIAH SELANGOR (JAKESS)

322. Bertanya kepada Y.A.B. Dato' Menteri Besar:-

- a) Sila senaraikan jumlah bilangan kes yang berjaya diselesaikan dari 2012-2013 mengikut pecahan daerah?
- b) Sila nyatakan apakah pendekatan khusus yang dilakukan untuk memperkasakan Institusi JAKESS?
- c) Sila nyatakan jumlah jawatan kosong yang masih belum diisi oleh JAKESS mengikut pecahan daerah?

JAWAPAN:

- a) Jumlah bilangan kes yang berjaya diselesaikan dari 2012-2013 mengikut pecahan daerah adalah seperti statistik yang berikut:

Mahkamah	Jenis Kes	2012			2013		
		Daftar	Selesai	Dalam Prosiding	Daftar	Selesai	Dalam Prosiding
Mahkamah Rayuan Syariah Selangor	Jenayah	4	1	3	2	0	2
	Mal	21	16	5	26	8	18
Mahkamah Tinggi Syariah Selangor	Jenayah	67	62	5	111	97	14
	Mal	1944	1854	90	2146	1910	236
MRS Daerah Gombak Barat	Jenayah	136	127	9	98	98	0
	Mal	1202	1200	2	1382	1367	15
MRS Daerah Gombak Timur	Jenayah	78	72	6	83	66	17
	Mal	859	843	16	848	819	29
MRS Daerah Hulu Langat	Jenayah	301	234	67	337	251	86
	Mal	2612	2490	122	2689	2521	168
MRS Daerah Hulu Selangor	Jenayah	99	99	0	163	159	4
	Mal	603	602	1	663	657	6
MRS Daerah Klang	Jenayah	196	108	88	448	354	94
	Mal	1598	1573	25	1801	1783	18
MRS Daerah Kuala Langat	Jenayah	146	120	26	206	146	60
	Mal	574	570	4	664	658	6
MRS Daerah Kuala Selangor	Jenayah	120	115	5	73	73	0
	Mal	724	723	1	811	807	4
MRS Daerah Petaling Jaya	Jenayah	281	267	14	636	587	49
	Mal	1525	1497	28	1921	1875	46
MRS Daerah Sabak Bernam	Jenayah	160	157	3	120	118	2
	Mal	394	392	2	376	374	2

Mahkamah	Jenis Kes	2012			2013		
		Daftar	Selesai	Dalam Prosiding	Daftar	Selesai	Dalam Prosiding
MRS Daerah Sepang	Jenayah	78	78	0	85	82	3
	Mal	463	462	1	547	546	1
MRS Daerah Shah Alam	Jenayah	305	152	153	547	330	217
	Mal	1611	1484	127	1758	1671	87
JUMLAH KESELURUHAN		14090	13382	803	16284	15350	1184

- b) Pendekatan yang telah dijalankan oleh Jabatan Kehakiman Syariah Selangor (JAKESS) dalam memperkasakan institusi JAKESS terbahagi kepada beberapa aspek yang berikut:

ASPEK PERUNDANGAN

1. Membuat beberapa pindaan Enakmen Enakmen Pentadbiran Agama Islam (Negeri Selangor) (Pindaan) Tahun 2015 yang telah digazetkan pada 13 Mei 2015. Antara pindaan yang dibuat adalah -
 - a. menaiktaraf had bidangkuasa kes mal Mahkamah Rendah Syariah Selangor yang berkenaan dengan amaun atau nilai hal yang menjadi pertikaian yang didengar dari RM 100,000.00 kepada RM 300,000.00;
 - b. meminda syarat pelantikan Ketua Hakim Syarie dan Hakim Mahkamah Tinggi;
 - c. Mewujudkan bidangkuasa semakan kehakiman; dan
 - d. Mewujudkan jawatan Timbalan Ketua Pendaftar Mahkamah Rayuan Syariah, Timbalan-timbalan Pendaftar Mahkamah Tinggi Syariah dan Penolong Kanan Pendaftar Mahkamah Rendah Syariah.
2. Menggubal Kaedah-Kaedah Hakam (Negeri Selangor) Tahun 2014 dan telah diwartakan pada 8 Mei 2014. Kaedah ini digubal bagi menyegerakan kes perceraian yang tidak mendapat persetujuan daripada salah satu pihak dalam perkahwinan tersebut dalam tempoh 3 bulan daripada sabitan perbalahan oleh Mahkamah.

ASPEK ORGANISASI

1. Menghantar Kertas Cadangan Pengukuhan Perjawatan Jabatan Kehakiman Syariah Selangor kepada Bahagian Pengurusan Sumber Manusia, Pejabat Setiausaha Negeri Selangor pada 8 Julai 2015 untuk dipanjangkan kepada Jabatan Perkhidmatan Awam. Cadangan pengukuhan perjawatan tersebut meliputi permohonan menaik taraf 3 jawatan utama, menaik taraf 19

perjawatan, menaik taraf dan memindah butiran sebanyak 12 perjawatan dan mewujudkan 57 perjawatan baru.

2. Melantik seramai 60 orang pegawai dan kakitangan di bawah pembiayaan Lembaga Zakat Selangor bagi mengatasi masalah peningkatan pendaftaran kes dan kes tertunggak yang semakin meningkat yang dihadapi oleh JAKESS. Walau bagaimanapun, jawatan tersebut akan berakhir pada 31 Oktober 2015 ini kerana pembiayaan oleh Lembaga Zakat Selangor ini hanya untuk tempoh 2 tahun sahaja. JAKESS sedang berusaha mendapatkan kelulusan daripada Kerajaan Negeri Selangor untuk meneruskan pelantikan ini berkuatkuasa pada 1 November 2015.
3. Mewujudkan Mahkamah Rendah Syariah Ampang dan telah mula beroperasi mulai 16 Jun 2014 di Lot A 1210-A 1215, Level 12, Menara A, Persiaran MPAJ, Jalan Pandan Utama, Pandan Indah, 55100 Kuala Lumpur. Penubuhannya telah mendapat perkenan DYMM Sultan Selangor dan telah diwartakan sebagai Mahkamah Rendah Syariah Selangor berkuatkuasa pada 3 Jun 2014. Penubuhan Mahkamah Rendah Syariah Ampang ini adalah melibatkan pemecahan kawasan-kawasan yang sebelum ini berada di bawah bidang kuasa Mahkamah Rendah Syariah Hulu Langat dan Mahkamah Rendah Syariah Gombak Timur dan sebagai alternatif bagi mengurangkan jumlah pendaftaran dan tunggakan kes di Mahkamah Rendah Syariah Hulu Langat yang merupakan sebuah Mahkamah Rendah Syariah yang menerima pendaftaran kes dan mempunyai tunggakan kes tertinggi di Selangor dan di Malaysia. Penubuhan Mahkamah Rendah Syariah Ampang ini juga dibiaya oleh Lembaga Zakat Selangor untuk tempoh 2 tahun sahaja dan akan berakhir pada 31 Oktober 2015. JAKESS sedang berusaha mendapatkan kelulusan daripada Kerajaan Negeri untuk meneruskan operasi mahkamah ini berkuatkuasa pada 1 November 2015.

ASPEK PERKHIDMATAN

1. Melancarkan proses kerja "*Fast Track*" iaitu mempercepatkan penyelesaian kes perceraian dengan persetujuan bersama di bawah seksyen 47 dari tempoh 90 hari kepada 6 jam. Proses kerja tersebut dilancarkan sebagai satu usaha penambahbaikan terhadap pengurusan kes cerai yang mendapat persetujuan daripada kedua-dua belah pihak agar dapat diselesaikan pada hari yang sama.
2. JAKESS dengan kerjasama Pejabat Agama Islam Daerah (PAID) Hulu Langat dan Hulu Selangor telah melancarkan program *Mobile Court*. Program ini adalah sebagai satu langkah untuk memberikan perkhidmatan perundangan dan kehakiman Syariah terus kepada masyarakat Orang Asal

yang beragama Islam yang sangat takut untuk hadir ke Mahkamah Syariah bagi menyelesaikan kes mereka seperti kes yang melibatkan kes permohonan wali raja dan poligami. Melalui perkhidmatan tersebut, mahkamah telah turun di kampung mereka untuk membicarakan kes-kes yang berkaitan.

3. Menjayakan program-program bersama orang awam dengan menyertai program Karnival Kampungku Kesayanganku (3K) anjuran Exco Jawatankuasa Tetap Hal Ehwal Agama Islam, Adat Melayu, Pembangunan Desa & Kampung Tradisi yang diadakan di beberapa daerah di Negeri Selangor.
4. Menggunakan media sosial sebagai pengantara antara JAKESS dan orang awam dengan menggunakan aplikasi Facebook, Instagram dan juga Twitter.

Jumlah jawatan kosong yang masih belum diisi oleh JAKES mengikut waran adalah sebanyak 11 kekosongan. Perincian kekosongan jawatan adalah seperti berikut:

BIL	JAWATAN	LOKASI	BIL KEKOSONGAN
1.	Pegawai Syariah (Pegawai Sulh) LS 41	Mahkamah Tinggi Syariah Shah Alam	3
2.	Penolong Pegawai Syariah LS 38	Mahkamah Tinggi Syariah Shah Alam	1
3.	Penolong Pegawai Syariah LS 32	Mahkamah Rendah Syariah Klang	1
		Mahkamah Rendah Syariah Petaling	1
4.	Pembantu Syariah LS 26	Mahkamah Tinggi Syariah Shah Alam	2
5.	Penghantar Notis Gred N3	Mahkamah Rendah Syariah Sabak Bernam	1
		Mahkamah Rendah Syariah Gombak Barat	1
		Mahkamah Rendah Syariah Sepang	1

**PERTANYAAN-PERTANYAAN MULUT DARIPADA
Y.B. TUAN KAMAROL ZAKI BIN ABDUL MALIK
(N01 SUNGAI AIR TAWAR)**

TAJUK : BAN PECAH KAMPUNG SUNGAI TENGAR UTARA,SABAK BERNAM

323. Bertanya kepada Y.A.B. Dato' Menteri Besar:-

- a) Apakah kaedah yang digunakan oleh JPS dalam menambak semula ban tersebut?
- b) Adakah kerajaan ada perancangan khas untuk memastikan ban-ban tersebut terus kukuh dan selamat kepada penduduk tempatan?

JAWAPAN:

- a) Kaedah yang digunakan adalah menggunakan batu bagi mengurangkan impak ombak terhadap benteng sungai. Ini kerana aktiviti perikanan yang semakin rancak telah menyebabkan kekerapan ombak yang menghempas tebing Sungai Bernam. Kaedah ini merupakan kaedah yang sama digunakan untuk mengurangkan impak ombak pada pantai.
- b) Dalam RMK11, perancangan fasa pertama untuk sepanjang benteng Sungai Bernam adalah memerlukan sebanyak RM13 juta untuk membaik pulih kawasan-kawasan yang berisiko berlaku hakisan dan boleh menyebabkan ban pecah.

**PERTANYAAN-PERTANYAAN MULUT DARIPADA
Y.B. PUAN LEE KEE HIONG
(N06 KUALA KUBU BAHARU)**

TAJUK : CAJ ABSTRAKSI SUMBER AIR MENTAH

324. Bertanya kepada Y.A.B. Dato' Menteri Besar:-

- a) Status terkini pelaksanaan kutipan caj abstraksi sumber air mentah oleh Lembaga Urus Air Selangor (LUAS)
- b) Apakah langkah-langkah Kerajaan Negeri bagi menyelesaikan isu bantahan caj abstraksi sumber air mentah yang dibangkitkan oleh penternak akuakultur?

JAWAPAN:

- a) Pihak LUAS telah melaksanakan skim pelesenan dan caj abstraksi sumber air bermula pada 1 Julai 2005 berdasarkan keputusan MMKN Bil.8/2005 pada 13 April 2005.

Berdasarkan rekod LUAS daripada 1 Julai 2005 sehingga 30 September 2015 terdapat 210 premis yang telah dilesenkan oleh LUAS di Negeri Selangor dengan 109 premis air bumi (203 buah telaga tiub) dan 104 premis air permukaan (194 muka sauk). Jumlah pengeluaran lesen samada lesen baru atau pembaharuan adalah 450 lesen. Terdapat 93 telaga dan 68 muka sauk yang telah ditutup.

Antara sektor yang telah dilesenkan di bawah skim ini adalah perkilangan, pengusaha golf, peladangan, perlombongan, pencucian pasir, nurseri pokok, penjana elektrik, penternakan dan akuakultur.

- b) Sumber air dikawal selia oleh LUAS berdasarkan peruntukan-peruntukan yang berkaitan di dalam Enakmen LUAS 1999. Tanggungjawab LUAS adalah terhadap kawalan apa-apa aktiviti yang menggunakan sumber air bagi memastikan kuantitinya mencukupi bagi semua sektor dan kualitinya yang sesuai untuk digunakan. Melalui kelulusan Kerajaan Negeri, skim pelesenan dan caj abstraksi sumber air ini dilaksanakan sebagai salah satu langkah untuk mengawal penggunaan sumber air yang lebih optima di semua peringkat dan kelangsungannya untuk masa-masa akan datang.

Pelaksanaan Skim Pelesenan Dan Caj Abstraksi Sumber Air Selangor ke atas sektor Perikanan, Penternakan dan Pertanian dimulakan pada tahun 2015.

Aktiviti akuakultur merupakan aktiviti komersial dan ianya tidak tertakluk di dalam sembilan (9) kategori aktiviti yang boleh dipertimbangkan untuk pengecualian caj oleh Pihak Berkuasa Negeri seperti yang dinyatakan di dalam Garis Panduan Pengecualian Caj Abstraksi Sumber Air yang telah diluluskan

oleh Mesyuarat Majlis Mesyuarat Kerajaan Negeri Selangor (MMKN) bil 19/2013 pada 10 Julai 2013.

Pengusaha akuakultur perlu menanggung caj penggunaan sumber air (samada air permukaan atau air bumi) bagi aktiviti akuakultur selaras dengan peruntukan Seksyen 44(1) di mana 'Lembaga adalah antara lain diberikan kuasa perundangan untuk mengenakan caj ke atas penggunaan, abstraksi, pengeluaran, pembuangan, penyaliran, pelencongan dan pengepungan air atau sumber lain'.

Caj abstraksi air adalah RM 0.05 per meter padu bagi tujuan komersial selaras dengan keputusan MMKN Bil. 8/2005 pada 13 April 2005. Caj ini adalah lebih rendah berbanding caj yang dicadangkan oleh Kerajaan Negeri Melaka ke atas sektor akuakultur iaitu RM 0.10 per meter padu. Sementara caj abstraksi sumber air di Negeri Sembilan bagi tujuan komersial adalah sebanyak RM0.08 per meter padu.

Pihak LUAS telah memberikan taklimat berkaitan Skim Caj dan Pelesenan Abstraksi Sumber Air kepada pengusaha-pengusaha akuakultur secara berperingkat pada tahun 2015.

NO	TARIKH	PERKARA
1	11 November 2014	Mesyuarat Cadangan Pelaksanaan Skim Pelesenan Dan Caj Abstraksi Sumber Air Negeri Selangor Ke Atas Sektor Perikanan & Penternakan Bersama Jabatan Perikanan Selangor dan Jabatan Perkhidmatan Veterinar Selangor.
2	22 April 2015	Taklimat bersama Jabatan Perikanan Selangor bagi memberi penerangan kepada semua pengguna sumber air bagi aktiviti akuakultur di daerah Kuala Langat, Hulu Langat dan Sepang.
3	6 Mei 2015	Taklimat bersama Jabatan Perkhidmatan Veterinar Selangor bagi memberi penerangan kepada semua pengguna sumber air bagi aktiviti penternakan ayam.
4	20 Mei 2015	Taklimat bersama Jabatan Perikanan Selangor bagi memberi penerangan kepada semua pengguna sumber air bagi aktiviti akuakultur di daerah Hulu Selangor.
5	4 Jun 2015	Taklimat bersama Jabatan Perikanan Selangor bagi memberi penerangan kepada semua pengguna sumber air bagi aktiviti akuakultur di daerah Kuala Selangor dan Sabak Bernam.

**PERTANYAAN-PERTANYAAN MULUT DARIPADA
Y.B. TUAN SHAHRUM BIN MOHD SHARIF
(N55 DENGKIL)**

TAJUK : KENAIKAN KOS SARA HIDUP

325. Bertanya kepada Y.A.B. Dato' Menteri Besar:-

- a) Apakah langkah-langkah Kerajaan Negeri untuk membantu rakyat menangani kenaikan kos sara hidup?
- b) Apakah langkah-langkah yang diambil untuk membantu golongan kelas menengah menangani kenaikan kos sara hidup?

JAWAPAN:

- a) Punca utama kenaikan sara hidup antaranya adalah disumbangkan oleh beberapa tindakan dan polisi yang diterajui oleh Kerajaan Persekutuan. Pengenalan GST, kenaikan harga petrol dan diesel, kenaikan tambang LRT dan yang terkini harga tol yang dinaikkan tanpa belas kasihan menambahkan parah kenaikan kos sara hidup rakyat jelata.

Kerajaan Negeri Selangor sentiasa peka dan memandang serius beban yang terpaksa dipikul oleh rakyat, maka Kerajaan telah melaksanakan langkah-langkah berikut :

- i) **Memperkasakan Pelbagai Program Bantuan Perniagaan Bagi Membantu Usahawan Baru dan Melonjakkan Usahawan sedia ada ke tahap yang lebih tinggi**

Kerajaan telah memperkasakan pelaksanaan Skim Mikrokredit Negeri Selangor (SkimSel) dan Mikrokredit Miskin Bandar (MiMBAR) di bawah satu program bersepadu iaitu **Program Hijrah**. Program Hijrah dilaksanakan untuk melonjakkan lagi golongan miskin ini berhijrah kepada golongan berpendapatan kelas menengah. Peruntukan ditambah daripada RM70 juta pada tahun 2014 kepada RM100 juta pada tahun 2015 diharap mampu merealisasikan hasrat Kerajaan. Sehingga 30 September 2015, sebanyak 11,484 orang mendapat manfaat melalui Program Hijrah.

Kerajaan terus memperkasakan insentif kepada **usahawan muda** dengan meningkatkan bantuan daripada RM10,000 kepada RM30,000 bagi setiap permohonan di bawah dana **Usahawan Mikro Selangor**. Program ini pada asalnya dikenali sebagai Dana Industri Kampung telah

ditransformasikan sebagai galakan kepada usahawan muda meningkatkan produktiviti dan pasaran produk yang seterusnya dapat mentransformasikan taraf hidup dan pendapatan golongan ini ke tahap yang lebih tinggi.

ii) **Meningkatkan Keupayaan Rakyat Selangor Kepada Pekerja Berkemahiran Tinggi (*skilled worker*) melalui Pembangunan Pendidikan dan Latihan Teknikal dan Vokasional (TVET)**

Kerajaan Negeri merangka strategi bagi mengurangkan jurang pendapatan kaya dan miskin dengan mewujudkan generasi muda berkemahiran tinggi (*skilled workers*) yang akan mendapat gaji atau upahan berdasarkan kemahiran yang dimiliki oleh rakyat di Negeri Selangor. Kemahiran-kemahiran yang diperlukan adalah seperti industri minyak & gas, semikonduktor, elektrik & elektronik dan pembangunan bidang teknologi maklumat & komunikasi (*ICT*), *advance robotic*, big data dan perkakasan.

Ke arah mencapai hasrat mewujudkan generasi berkemahiran tinggi, langkah yang diambil oleh Kerajaan Negeri pada tahun 2015 seperti yang telah dibentangkan di dalam Bajet tahunan Kerajaan Negeri Selangor, memperlihatkan strategi yang melibatkan pembangunan Pendidikan dan Latihan Teknikal dan Vokasional (*TVET*), perkhidmatan masyarakat, pembangunan luar bandar, sektor perbandaran dan pembangunan usahawan yang dilaksanakan secara menyeluruh.

Fokus Kerajaan untuk terus memperkasa industri pembuatan supaya dapat mencipta lebih banyak lagi peluang pekerjaan dan kelayakan berasaskan TVET. Selaras dengan itu, Kerajaan akan terus mempertingkatkan tenaga mahir dalam bidang TVET di Negeri Selangor untuk mengisi peluang-peluang di sektor ini melalui **program latihan** di bawah ***Selangor Human Resource Development Centre (SHRDC)***. Program ini merupakan kolaborasi Kerajaan dan pemain industri secara pepadanan penawaran dengan permintaan industri bagi memastikan bidang yang ditawarkan adalah bertepatan dengan kehendak pasaran. Kolaborasi ini akan diwujudkan di daripada pengambilan pelajar, rekabentuk kurikulum dan penempatan pekerjaan. Program TVET ini akan dijadikan satu bentuk program inovatif supaya dapat menarik generasi muda mengakses program tersebut.

Selain itu, Kerajaan turut menyediakan peluang untuk melanjutkan pengajian melalui penajaan pendidikan/ latihan **Program Kemahiran Teknikal** melalui INPENS International College. Program Kemahiran Teknikal ini merupakan salah satu program bantuan secara tahunan yang

dilaksanakan oleh Kerajaan Negeri melalui INPENS International College sejak tahun 2008. Ianya bertujuan bagi memberi peluang kepada golongan generasi muda yang tercicir di dalam pelajaran serta daripada keluarga yang berpendapatan seisi rumah sebulan sebanyak RM3,000.00 dan ke bawah untuk melanjutkan pengajian di dalam Sijil Kemahiran Malaysia (SKM). Antara kursus-kursus kemahiran di INPENS International College yang diberikan penajaan oleh Kerajaan Negeri adalah seperti Servis & Penyelenggaraan Motorsikal, Pemasangan & Penyelenggaraan Elektrik- Satu Fasa, Peralatan Penyamanan Udara HVAC - Satu Fasa (Pemasangan Servis, *Troubleshooting* & Pembaikpulihan), Pembuat Pakaian Wanita, Dandan Rambut dan pelbagai lagi.

Sehingga September 2015, Program Kemahiran Teknikal melalui INPENS International College ini telah memberi manfaat kepada seramai 2,807 orang dan jumlah ini adalah dijangka meningkat dari tahun ke tahun. Melalui program ini, Kerajaan mensasarkan supaya golongan ini mampu mengorak langkah menggunakan kemahiran yang telah diperolehi untuk turut sama dalam pasaran industri dan meningkatkan diri dengan menceburi bidang keusahawanan.

iii) **Meningkatkan Sumbangan Bantuan Pendidikan Bagi Memperkasa Generasi Muda Selangor (2nd Generation)**

Ke arah membantu meringankan beban ketua isi rumah, Kerajaan akan meneruskan program-program seperti **Pusat Tuisyen Rakyat** dan **Skim Bantuan Asuhan Rakyat (Si Kembar)**, **Skim Bantuan Tadika (TUNAS)**. Sokongan bantuan pendidikan awal daripada Kerajaan seperti ini adalah bertepatan dengan hasrat Kerajaan bagi mengukuhkan pengetahuan dan menyediakan generasi muda sejak dari pendidikan awal lagi dan membantu ibu bapa menangani kos pendidikan anak-anak.

Tabung Pendidikan Pekerja Ladang merupakan salah satu insentif yang diberikan Kerajaan supaya generasi baru pekerja ladang mampu melonjakkan diri melalui pengukuhan pengetahuan dan kemahiran supaya dapat keluar dari kepompong kemiskinan. Sehingga 30 September 2015, 15,686 orang telah menerima manfaat daripada program ini dengan jumlah peruntukan sebanyak RM8,712,645.20.

Di bawah Tabung ini juga, Kerajaan telah memperuntukkan pemberian wang tunai sebanyak RM300 sebagai **Sumbangan Bantuan Subsidi Tambang Bas** kepada setiap anak pekerja ladang bagi mengurangkan perbelanjaan seisi keluarga. Sehingga kini sebanyak 1,477 pelajar telah mendapat manfaat daripada program ini.

Sebanyak RM10 juta telah diperuntukkan pada tahun 2015 kepada **Tabung Biasiswa Selangorku** khusus untuk anak Selangor dari desa dan keluarga berpendapatan rendah yang menuntut di Universiti Selangor (UNISEL) dan Kolej Universiti Islam Antarabangsa Selangor (KUIS) sebagai galakan dan bantuan pembelajaran di universiti. Program Hadiah Anak Masuk Universiti diteruskan kepada keluarga yang berpendapatan kurang RM3,000 sebulan. Kerajaan turut menawarkan 10 tempat di UNISEL untuk anak-anak orang asli yang dibiayai sepenuhnya kerajaan Negeri di bawah **Biasiswa Sagong Tasi**.

iv) **Meningkatkan Keupayaan Rakyat Luar Bandar Melalui Program Pembangunan Keusahawanan**

Kerajaan turut menggerakkan usaha membantu golongan berpendapatan rendah dan pertengahan di luar bandar melalui **Program Pembangunan Usahawan Desa dan Kampung Tradisi Negeri Selangor**. Program ini dilaksanakan berdasarkan konsep memberi “pancing bukan ikan” supaya rakyat dapat menggunakan ilmu dan kemahiran yang diperolehi untuk melonjakkan diri menjana pendapatan dalam jangka masa panjang. Program ini dilaksanakan dengan kerjasama dua (2) institusi pendidikan iaitu INPENS International College, Kuala Selangor dan Institut Teknologi Kulineri Anjung Utara (ITKAU) di Kuala Kubu Baru. Program ini mensasarkan golongan belia dan beliawanis desa, ibu tunggal dan suri rumah serta peniaga kecil-kecilan di desa.

a) **Industri Komuniti Kampung**

- Program Pembangunan Usahawan Kemahiran, INPENS;
- Program Pembangunan Usahawan Penjaja Makanan dan minuman, ITKAU; dan
- Program Pembangunan Sebagai Juruterapi Komplimentari Berdaftar (KKM), Bidan Kampung Stimulatherapy & Terapi Kesihatan Lelaki.

b) **Kursus Kemahiran Jangka Pendek**

- Program Motosikal;
- Program Dandanan Rambut;
- Program Penyejukbekuan & Penyamanan Udara;
- Program Jahitan;
- Program Kecantikan; dan
- Program Pembangunan Usahawan Penjaja Makanan dan Minuman.

v) Program Bantuan *Blueprint* Pembasmian Kemiskinan

Program ini merupakan salah satu usaha Kerajaan Negeri Selangor untuk meningkatkan taraf ekonomi melalui penajaan/ peningkatan pendapatan bagi golongan masyarakat individu yang berpendapatan di bawah RM1,500.00 sebulan atau pendapatan seisi rumah di bawah RM3,000.00 terutamanya melibatkan peniaga-peniaga kecil.

Program ini dilaksanakan dengan pemberian bantuan peralatan/mesin berdasarkan perusahaan yang sedang dijalankan. Antara lima (5) skop utama perusahaan adalah seperti jahitan, perniagaan makanan, perniagaan runcit, pengasuh kanak-kanak dan kraftangan. Sehingga September 2015, jumlah penerima manfaat bagi Program Bantuan *Blueprint* Pembasmian Kemiskinan adalah seramai 2,386 orang.

vi) Program Bantuan Perumahan

Program Bantuan Rumah Kerajaan Prihatin diwujudkan adalah khusus untuk membantu rakyat untuk mendapatkan sebuah rumah yang selesa dan selamat untuk didiami kepada golongan sasar pendapatan seisi rumah di bawah RM1,500.00 sebulan dengan berpanduan syarat dan kelayakan yang telah ditetapkan. Program ini dilaksanakan di bawah Jawatankuasa tetap Kerajaan Prihatin melalui dua (2) jenis bantuan iaitu :

- Bina baru rumah tiga (3) bilik beserta satu (1) bilik air dengan had siling RM35,000.00 bagi sebuah rumah; dan
- Bantuan baikpulih rumah dengan kos tidak melebihi RM20,000.00 bagi sebuah rumah.

Bantuan ini diutamakan kepada pemohon yang mempunyai tanggungan yang ramai, menduduki rumah yang daif dan tidak selamat untuk diduduki. Di bawah Program ini, kelulusan bagi sesebuah rumah adalah tertakluk kepada keputusan Mesyuarat Jawatankuasa Pemilihan yang dipengerusikan oleh Pengerusi Jawatankuasa tetap Kerajaan Prihatin.

Selaras dengan hasrat Kerajaan ke arah 1Keluarga, 1Kediaman, Kerajaan melalui Lembaga Perumahan dan Hartanah Negeri Selangor (LPHS) telah memperuntukkan RM10 juta bagi membantu peneroka bandar memiliki rumah dengan konsep sewa dan milik melalui **Skim Khas Pembiayaan Pembelian Rumah**.

Selain itu, Kerajaan turut berusaha meringankan beban rakyat untuk memiliki rumah pertama dengan mewujudkan **Skim Selangor Smart**

Home Buyers menerusi pendahuluan bayaran deposit sebanyak sepuluh peratus bagi belian rumah Selangorku jenis B dan C.

vii) Penyediaan Kemudahan Pengangkutan Awam Percuma

Kerajaan turut menyediakan kemudahan pengangkutan awam melalui penyediaan perkhidmatan bas secara percuma 'Bas Smart Selangor' kepada komuniti di MBSA, MPSJ dan MPK yang telah mula dilaksanakan pada Julai 2015. Berdasarkan sambutan yang menggalakkan, perkhidmatan ini akan diperluaskan lagi di kawasan MPAJ dan MPKj. Pelaksanaan ini telah dirangka dengan mengambil kira aspek-aspek seperti pemilihan laluan di kawasan berkepadatan tinggi untuk disasarkan kepada golongan berpendapatan rendah, keutamaan laluan adalah di kawasan yang tiada perkhidmatan bas sedia ada, manakala lokasi tumpuan adalah seperti pusat membeli belah, pejabat-pejabat kerajaan dan kemudahan awam.

**PERTANYAAN-PERTANYAAN MULUT DARIPADA
Y.B. TUAN RAJIV A/L RISHYAKARAN
(N34 BUKIT GASING)**

TAJUK : PEMBEKAL BUKAN BUMIPUTRA

326. Bertanya kepada Y.A.B. Dato' Menteri Besar:-

- a) Apakah peluang atau ruang untuk pembekal dan kontraktor bukan bumiputra untuk mendapat kontrak kerajaan negeri, PBT, agensi kerajaan dan anak syarikat kerajaan?
- b) Berapakah perolehan yang didapati daripada kontraktor bukan bumiputra berbanding kontraktor bumiputra untuk 2012, 2013, 2014

JAWAPAN:

a) dan b)

Untuk makluman, berdasarkan tatacara perolehan kerajaan yang sedang berkuatkuasa pembekal dan kontraktor bukan bumiputra boleh menyertai proses sebut harga dan tender untuk mendapat kontrak Kerajaan Negeri **kecuali** bagi kategori perolehan dengan nilai tertentu seperti berikut:-

- (i) **Perolehan bekalan dan perkhidmatan** dengan nilai **RM50,000.00 hingga RM 100,000.00** kerana ianya adalah dikhaskan untuk pembekal bumiputra selaras dengan Arahan Perbendaharaan 170.1; dan
- (ii) **Perolehan kerja** dengan nilai **RM 20,000.00 dan ke bawah** selaras dengan Perenggan 6, 1 Pekeliling Perbendaharaan (1PP) - PK2 (Kaedah Perolehan Kerajaan) kerana ianya dikhaskan untuk kontraktor **Gred G1** yang berdaftar dengan Lembaga Pembangunan Industri Binaan Malaysia (CIDB) dan **memiliki Sijil Taraf Bumiputra**.

Kesemua agensi kerajaan negeri dan Pihak Berkuasa Tempatan (PBT) adalah tertakluk kepada tatacara perolehan di atas yang dikeluarkan oleh Kementerian Kewangan Malaysia seperti maksud Arahan Perbendaharaan (AP) 8 seperti berikut:-

“AP8.sungguhpun penggunaan wang Negeri bagi maksud Negeri-Negeri yang tertentu adalah suatu perkara semata-mata bagi maksud Badan Perundangan Negeri dan Kerajaan Negeri, tetapi tatacara kewangan dan perakaunan yang dipakai pada melaksanakan maksud-maksud itu mestilah tidak bertentangan dengan undang-undang Persekutuan atau dengan mana-mana arahan yang diberi oleh Perbendaharaan.”

Manakala, peraturan di atas tertakluk kepada penerimaan Lembaga Pengarah (*Board of Directors*) kepada anak-anak syarikat Kerajaan Negeri berhubung *Good Governance* atau Amalan Baik yang menjadi *Standard Operating Procedure* (SOP) syarikat dalam proses perolehan.

Justeru, Kerajaan Negeri berpandangan peluang untuk pembekal dan kontraktor bukan bumiputera mendapatkan kontrak Kerajaan Negeri adalah sentiasa terbuka dan terbentang luas. Kerajaan Negeri menyarankan kontraktor bukan bumiputera untuk bersaing secara sihat bersama-sama pembekal dan kontraktor bumiputera yang lain di dalam proses perolehan yang dilaksanakan.

**PERTANYAAN-PERTANYAAN MULUT DARIPADA
Y.B. DATO' MOHD SHAMSUDIN BIN LIAS
(N08 SUNGAI BURONG)**

TAJUK : PROJEK LEBUHRAYA DAMANSARA- SHAH ALAM (DASH)

327. Bertanya kepada Y.A.B. Dato' Menteri Besar:-

- a) Adakah kerajaan negeri tidak bersetuju dengan pelaksanaan projek DASH yang akan dilaksanakan oleh kerajaan persekutuan di negeri Selangor?

JAWAPAN:

Jawapan oleh Seksyen Makro dan Penswastan, Unit Perancang Ekonomi Negeri.

**PERTANYAAN-PERTANYAAN MULUT DARIPADA
Y.B. TUAN NG SZE HAN
(N30 KINRARA)**

TAJUK : TRANSAKSI TANAH OLEH ECO WORLD DI IJOK

328. Bertanya kepada Y.A.B. Dato' Menteri Besar:-

- a) Apakah kemusykilan yang dihadapi oleh MBI dan Eco World dalam transaksi tanah di Ijok?
- b) Apakah kesan yang timbul terhadap kerajaan negeri dalam transaksi ini?

JAWAPAN:

- a) Pada 22 September 2015, Eco World Development Berhad telah membuat pengumuman kepada Bursa Malaysia bahawa pihaknya telah melakukan perjanjian jual beli bersyarat melalui anak syarikatnya Paragon Pinnacle Sdn Bhd dengan beberapa syarikat lain untuk membeli beberapa bidang tanah di Mukim Ijok, Kuala Selangor.

Bagaimanapun, sebahagian daripada tanah yang diumumkan itu, iaitu di Alam Mutiara terbabit dalam proses perundangan di Mahkamah yang turut membabitkan Kerajaan Negeri dan sehingga kini belum dimuktamadkan.

Tindakan Eco World membuat perjanjian berkenaan dilihat mengenenipkan proses perundangan yang sepatutnya diselesaikan terlebih dulu sebelum membuat sebarang perancangan komersil.

- b) Kerajaan Negeri mengambil berat tentang isu pembelian tanah ini kerana ia membabitkan kebajikan peneroka yang belum mendapat pampasan setimpal disebabkan pemaju yang gagal menyempurnakan projek terdahulu.

Kerajaan Negeri sentiasa komited untuk memastikan sebarang transaksi komersil dalam hal ini hendaklah mematuhi prinsip keadilan sosial dan memberi keuntungan kepada semua pihak khususnya kepada rakyat Selangor.

**PERTANYAAN-PERTANYAAN MULUT DARIPADA
Y.B. DATUK HAJI JOHAN BIN ABDUL AZIZ
(N24 SEMENYIH)**

TAJUK : WABAK DENGGI SELANGOR

329. Bertanya kepada Y.A.B. Dato' Menteri Besar:-

- a) Apakah Pelan Tindakan Mencegah Denggi yang telah dan akan dilaksanakan di Selangor?
- b) Sejauh mana keberkesanan program mencegah denggi yang dijalankan oleh Kerajaan Negeri?
- c) Berapa banyak kos dibelanjakan bagi melaksanakan program atau tindakan mencegah denggi?

JAWAPAN:

- a) Kerajaan Negeri sentiasa berusaha keras dalam menangani isu denggi di Negeri Selangor. Namun, kes denggi di Negeri Selangor masih belum dapat diselesaikan sepenuhnya. Usaha giat membanteras denggi telah mula dijalankan mulai tahun 2013 dengan mengadakan Mesyuarat Mingguan Denggi Peringkat Negeri & Daerah, Program Gempur Aedes dan Kempen Kawalan Denggi.

Pada tahun 2014, usaha ini dipergiatkan lagi dengan meneruskan Mesyuarat Mingguan Denggi Peringkat Negeri & Daerah, pelaksanaan Pelan Tindakan Program Denggi – KKM, Pelan Tindakan Denggi PBT – KPKT dan Pelan Tindakan Selangorku Bebas Denggi 2014.

Pada tahun ini pula, fokus utama Kerajaan Negeri dalam membanteras denggi adalah melalui:-

- i. Pendidikan kesihatan;
- ii. Pelan Strategik Sifar Pembiakan Aedes Negeri Selangor; dan
- iii. Penggunaan inisiatif baru.

Antara usaha yang telah dijalankan pada tahun 2015 bagi menangani kes denggi di Negeri Selangor adalah seperti berikut:-

- i. Menubuhkan Jawatankuasa Tindakan Kawalan Denggi Negeri yang dipengerusikan oleh YB Exco Kesihatan;

- ii. Mengadakan Mesyuarat Membincangkan Isu Wabak Denggi Peringkat Negeri Selangor secara Dwi – Mingguan;
- iii. Program Terjah dan Musnah Aedes Peringkat Daerah Petaling;
- iv. Operasi Tapak Bina;
- v. *Task Force* Denggi diperingkat PBT;
- vi. Mesyuarat Kawalan Denggi di Peringkat Daerah;
- vii. Aktiviti pencegahan di kawasan-kawasan yang berisiko seperti di tapak bina, tanah kosong, rumah kosong, rumah ibadat, kawasan perumahan;
- viii. Meningkatkan penguatkuasaan perundangan di bawah Akta Pemusnahan Serangga Pembawa Penyakit 1975;
- ix. Memberi kesedaran kepada orang ramai melalui khutbah jumaat & ceramah di masjid dan surau;
- x. Menggiatkan aktiviti gotong –royong di peringkat masyarakat;
- xi. Membuat edaran risalah denggi dan memberi abate;
- xii. Program/ Projek Khas PBT seperti SEDAR, BATAS dan Advokasi Denggi;
- xiii. Program Asap dan Musnah Daerah Petaling; dan
- xiv. Bengkel Pelan Tindakan Strategik Sifar Pembiakan Aedes yang telah diadakan pada 27-29 Julai 2015 dan turut dihadiri oleh 12 Pihak Berkuasa Tempatan Negeri Selangor, Jabatan kesihatan negeri selangor, Pejabat Kesihatan Daerah, dan Kementerian Perumahan Dan Kerajaan Tempatan (KPKT).

Bengkel tersebut telah merumuskan pelbagai strategi baharu yang akan dilaksanakan dalam tempoh terdekat. Antaranya adalah seperti menggunakan **kawalan biologi** bagi mengawal pembiakan nyamuk aedes, Majlis Pelancaran **Tapak Bina Sifar Aedes** yang akan melibatkan semua pemaju di Negeri Selangor, **silibus pendidikan kesihatan** kepada murid tadika dan sekolah Negeri Selangor serta aplikasi telefon bimbit yang akan memaparkan status denggi di sesuatu kawasan

Pelan Tindakan Strategik Sifar Pembiakan Aedes ini akan dilancarkan pada Januari 2016 dan pelaksanaannya adalah pada sepanjang tahun 2016.

- b) Untuk makluman Ahli – Ahli Yang Berhormat, pelbagai usaha, program, tindakan telah di laksanakan oleh Kerajaan Negeri dalam membanteras penyakit demam denggi dan nyamuk Aedes.

Pelbagai kejayaan juga telah di capai melalui program-program yang di laksanakan. Antaranya adalah seperti, Program Gotong-Royong Mega: Terjah & Musnah Aedes Negeri Selangor 2014 telah di adakan pada 16 November 2014 manakala, Program Terjah & Musnah Aedes Daerah Petaling

telah di adakan pada 7 Februari 2015 . Y.A.B Dato' Menteri Besar Selangor bersama semua ahli Majlis Mesyuarat Kerajaan Negeri (MMKN) telah bersama-sama turun padang bagi melaksanakan program ini.

Strategi utama program ini adalah meningkatkan kesedaran awam dan aktiviti “cari dan musnah” kawasan potensi pembiakan nyamuk di dalam dan di luar rumah oleh setiap individu serta masyarakat.

Keberkesanan Program ini dapat dilihat melalui statistik kes denggi mingguan yang semakin menurun setelah program ini di jalankan pada 7 Februari 2015 khususnya di daerah Petaling.

	31 Dis 14	10- Jan- 15	31- Jan- 14	7- Feb- 15	14- Feb- 15	21- Feb- 15	28- Feb- 15	7- Mar- 15	14- Mar- 15	21- Mar- 15
Peta ling	751	657	1025	955	917	883	736	778	599	547

Pada masa yang sama, hasil keberkesanan usaha-usaha lain yang dilaksanakan oleh Kerajaan Negeri juga dapat dilihat melalui pengurangan kes denggi di Daerah Petaling yang menunjukkan pengurangan jumlah kes kepada **297 kes** pada epid-41 tahun 2015 (17 Oktober 2015) berbanding pada epid 4 tahun 2015 (31 Januari) iaitu 1025 kes. Untuk makluman Ahli-Ahli Yang Berhormat, jumlah kes ini merupakan jumlah kes yang paling rendah sepanjang tahun 2015 di daerah Petaling.

Melalui keadaan tersebut, ini membuktikan bahawa, Kerajaan Negeri tidak pernah mengambil mudah mengenai isu denggi ini dan Kerajaan Negeri sentiasa berusaha sedaya upaya bagi memastikan masalah denggi di Negeri Selangor dapat dibanteras sepenuhnya.

- c) Jumlah peruntukan yang digunakan bagi melaksanakan program atau tindakan mencegah denggi bagi tahun 2015 adalah sebanyak **RM 11,014,348.27** dengan pecahan seperti berikut:-

PBT	RM
MBSA	5,535,230.67
MBPJ	2,700,000.00
MPSJ	1,286,612.00
MPK	100,000.00
MPS	30,000.00
MPAJ	476,415.60
MPKJ	68,320.00
MPSP	250,000.00
MDKL	215,00.00
MDKS	50,000.00
MDHS	59,000.00
MDSB	30,000.00
PEJABAT DAERAH / TANAH	RM
PETALING	10,000.00
GOMBAK	-
KLANG	9,770.00
HULU LANGAT	-
SEPANG	-
KUALA LANGAT	-
KUALA SELANGOR	9,000.00
HULU SELANGOR	-
SABAK BERNAM	-
UPEN	400,000.00
JUMLAH	11,014,348.27

**PERTANYAAN-PERTANYAAN MULUT DARIPADA
Y.B. TUAN LAU WENG SAN
(N35 KAMPUNG TUNKU)**

TAJUK : TANAH PERKUBURAN BERSEPADU DI DAERAH SEPANG

330. Bertanya kepada Y.A.B. Dato' Menteri Besar:-

- a) Cadangan ini masih belum menjadi kenyataan sehingga sekarang walaupun keperluan rakyat Selangor terhadap tanah perkuburan semakin meningkat. Mengapakah kerajaan tidak melihat perkara ini sebagai perkara serious dan tidak menawarkan cara penyelesaian alternative untuk mengatasi masalah ini?

JAWAPAN:

- a) Sebagaimana yang dijelaskan di dalam sidang dewan yang lepas, Kerajaan Negeri telah menjalankan Kajian Inventori Tanah Perkuburan dan Keperluan Perkuburan Sehingga Tahun 2060 di Negeri Selangor. Hasil kajian tersebut, Kerajaan Negeri telah bersetuju untuk melaksanakan konsep Perkuburan Wilayah Bersepadu (PWB) di Negeri Selangor mengikut lokasi dan wilayah-wilayah kedudukan PBT. Kajian ini turut merumuskan penawaran tapak-tapak perkuburan semasa dan keperluan perkuburan di Negeri Selangor untuk tempoh 50 tahun iaitu sehingga tahun 2060. Cadangan tapak-tapak PWB dikenalpasti mengikut kewujudan tapak, kadar kemudahansampaian dan kemudahan aksesibiliti untuk perkongsian bersama antara PBT yang berhampiran bagi memenuhi keperluan penduduk setempat dan PBT berjiran.

Sebagai cadangan awal, sejumlah **empat (4) tapak perkuburan** dengan jumlah keluasan **300.63 hektar (742.87 ekar)** telah dikenalpasti untuk dijadikan tapak perkuburan yang dicadangkan mengikut tampungan di 3 zon utama iaitu Zon Utara, Zon Selatan dan Zon Timur.

Bagi Daerah Sepang, terdapat satu tapak perkuburan wilayah bersepadu berkeluasan 25 ekar yang kini dalam penyediaan pelan susunatur pembangunan dan pelan pengurusan PWB bagi keseluruhan tapak ini.

**PERTANYAAN-PERTANYAAN MULUT DARIPADA
Y.B. DATUK SULAIMAN BIN ABDUL RAZAK
(N09 PERMATANG)**

TAJUK : DENGGI

331. Bertanya kepada Y.A.B. Dato' Menteri Besar:-

- a) Nyatakan statistik terkini denggi mengikut PBT?
- b) Berapakah jumlah kematian yang dicatatkan dari tahun 2013-2015?
- c) Apakah kaedah terkini yang digunakan oleh Kerajaan Negeri bagi mengatasi masalah ini?

JAWAPAN:

- a) Jumlah kes denggi 2015 (sehingga Minggu Epid 41) mengikut Pihak Berkuasa Tempatan adalah seperti berikut:-

Bil	Pihak Berkuasa Tempatan	JUMLAH KES
1	MAJLIS PERBANDARAN PETALING JAYA (MBPJ)	6743
2	MAJLIS BANDARAYA SHAH ALAM (MBSA)	6445
3	MAJLIS PERBANDARAN SUBANG JAYA (MPSJ)	8923
4	MAJLIS PERBANDARAN KLANG (MPK)	4719
5	MAJLIS PERBANDARAN KAJANG (MPKj)	9126
6	MAJLIS PERBANDARAN AMPANG JAYA (MPAJ)	3557
7	MAJLIS PERBANDARAN SELAYANG (MPS)	-
8	MAJLIS PERBANDARAN SEPANG (MPSP)	2747
9	MAJLIS DAERAH KUALA LANGAT (MDKL)	732
10	MAJLIS DAERAH KUALA SELANGOR (MDKS)	493
11	MAJLIS DAERAH HULU SELANGOR (MDHS)	828
12	MAJLIS DAERAH SABAK BERNAM (MDSB)	-
Jumlah Keseluruhan		44313

“ Tiada data bagi Majlis Perbandaran Selayang (MPS) dan Majlis Daerah Sabak Bernam (MDSB) kerana keseluruhan kawasan tersebut dibawah seliaan Pejabat Kesihatan Daerah (PKD) .

- b) Jumlah Kematian Yang Dicatatkan Dari Tahun 2013-2015 akibat Denggi untuk Negeri Selangor adalah seperti berikut: -

Tahun	Jumlah Kematian
2013	24
2014	73
2015 (sehingga Epid 41)	105
Jumlah	202

- c) Kerajaan Negeri sentiasa berusaha keras dalam menangani isu denggi di Negeri Selangor. Namun, kes denggi di Negeri Selangor masih belum dapat diselesaikan sepenuhnya.

Untuk makluman Ahli-Ahli Yang Berhormat, bagi tahun 2015, Kerajaan Negeri telah menjalankan pelbagai usaha bagi menangani kes denggi di Negeri Selangor. Antaranya adalah seperti berikut: -

- i. Menubuhkan Jawatankuasa Tindakan Kawalan Denggi Negeri yang dipengerusikan oleh YB Exco Kesihatan;
- ii. Mengadakan Mesyuarat Membincangkan Isu Wabak Denggi Peringkat Negeri Selangor secara Dwi – Mingguan;
- iii. Program Terjah dan Musnah Aedes Peringkat Daerah Petaling;
- iv. Operasi Tapak Bina;
- v. *Task Force* Denggi di peringkat PBT;
- vi. Mesyuarat Kawalan Denggi di Peringkat Daerah;
- vii. Aktiviti pencegahan di kawasan-kawasan yang berisiko seperti di tapak bina, tanah kosong, rumah kosong, rumah ibadat, kawasan perumahan;
- viii. Meningkatkan penguatkuasaan perundangan di bawah Akta Pemusnahan Serangga Pembawa Penyakit 1975;
- ix. Memberi kesedaran kepada orang ramai melalui khutbah Jumaat & ceramah di masjid dan surau;
- x. Menggiatkan aktiviti gotong –royong di peringkat masyarakat
- xi. Membuat edaran risalah denggi dan memberi abate;
- xii. Program/ Projek Khas PBT seperti SEDAR, BATAS dan Advokasi Denggi;
- xiii. Program Asap dan Musnah Daerah Petaling; dan yang terkini adalah;

- xiv. Bengkel Pelan Tindakan Strategik Sifar Pembiakan Aedes yang telah diadakan pada 27-29 Julai 2015 dan turut dihadiri oleh 12 Pihak Berkuasa Tempatan Negeri Selangor, Jabatan Kesihatan Negeri Selangor, Pejabat Kesihatan Daerah, dan Kementerian Kesejahteraan Bandar, Perumahan Dan Kerajaan Tempatan (KPKT).

Bengkel tersebut telah merumuskan pelbagai strategi baharu yang akan dilaksanakan dalam tempoh terdekat. Antaranya adalah seperti menggunakan **kawalan biologi** bagi mengawal pembiakan nyamuk aedes, Majlis Pelancaran **Tapak Bina Sifar Aedes** yang akan melibatkan semua pemaju di negeri selangor, serta **silibus pendidikan kesihatan** kepada murid tadika dan sekolah Negeri Selangor. **Pelan Tindakan Strategik Sifar Pembiakan Aedes** ini akan dilancarkan pada Januari 2015 dan pelaksanaannya adalah sepanjang tahun 2016

**PERTANYAAN-PERTANYAAN MULUT DARIPADA
Y.B. PUAN YEO BEE YIN
(N36 DAMANSARA UTAMA)**

**TAJUK : *CORPORATE SOCIAL RESPONSIBILITY (CSR)* OLEH MENTERI
BESAR INCORPORATED (MBI) DAN ANAK-ANAK SYARIKAT**

332. Bertanya kepada Y.A.B. Dato' Menteri Besar:-

- a) Berapakah jumlah Corporate Social Responsibility (CSR) yang telah diberi oleh MBI dan anak-anak syarikat pada tahun 2015?
- b) Adakah wujudnya garis panduan di MBI dalam menentukan penerima CSR?
- c) Bagaimanakah MBI memastikan pengurusan CSR oleh anak-anak syarikatnya adalah telus?

JAWAPAN:

- a) Butiran bagi aktiviti CSR MBI dan anak-anak syarikat dilampirkan bersama-sama jawapan ini.
- b) Ya. MBI mempunyai garis panduan dalam menentukan penerima CSR.
- c) MBI memastikan ketelusan dalam pengurusan CSR dengan berpandukan garis panduan yang telah ditetapkan seperti berikut;
 - 1) Sumbangan hanya boleh dibuat kepada organisasi yang berdaftar di Pendaftar Pertubuhan, mana-mana agensi kerajaan atau pemimpin setempat. Tiada sumbangan kepada individu boleh dilakukan.
 - 2) Penerima-penerima yang dibenarkan :
 - 2.1 Persatuan
 - 2.2 Kelab
 - 2.3 Pertubuhan
 - 2.4 Institusi
 - 2.5 Badan-badan rumah agama
 - 2.6 Lain-lain seperti yang diluluskan Ahli Lembaga Pengarah ("ALP").

3) Aktiviti-aktiviti yang dibenarkan :

3.1 Aktiviti-aktiviti yang memberi kebaikan kepada pertubuhan seperti:

- 3.2.1.1 Akademi
- 3.2.1.2 Alam Sekitar
- 3.2.1.3 Agama
- 3.2.1.4 Sukan
- 3.2.1.5 Kebajikan

3.2 Kecemasan seperti :

- 3.2.2.1 Kebakaran
- 3.2.2.2 Banjir
- 3.2.2.3 Tanah runtuh
- 3.2.2.4 Lain-lain seperti yang diluluskan ALP

4) Tiada sumbangan amal kepada kepada parti politik dibenarkan. Semua sumbangan amal mesti ikut prosedur rasmi.

5) Sumbangan amal yang membawa konflik adalah dilarang. Tidak kira apa jua bentuk atau keadaan.

LAMPIRAN MBI

MBI: Sumbangan / CSR yang telah disalurkan untuk program Kerajaan Negeri dan lain-lain

	2015 RM	2014 RM	2013 RM
Jumlah peruntukan tahunan	107,237,952.00	16,040,347.00	47,155,446.00
Senarai Program Kerajaan negeri			
Program Khas Mesra Rakyat			31,670.00
Perbelanjaan Pengurusan FAS	4,000,000.00	6,500,000.00	8,500,000.00
SKIM Mikrokredit (MES Program)			
YAQ - Skimisel	-	2,000,000.00	5,500,000.00
YAQ - Mimbar	-	500,000.00	1,649,448.95
YAQ - Hijrah	84,882,457.00	-	-
Projek PTG - Landbank	203,118.29	-	203,118.29
Program Terima Kasih Rakyat	-	-	-
Program SRI (Padi)	-	-	-
Tabung Pendidikan - Bendahari Negeri	-	-	-
Pembiayaan Air Negeri Selangor	-	-	-
Pengurusan Taska Kerajaan	-	-	-
Program Sumbangan Lembu Korban	5,180,000.00	2,861,250.00	2,313,400.04
17 Program Geran Selangorku	-	3,981,262.91	28,646,769.11
WIFI Selangorku	768,336.04	-	-
IDE - Penyelidikan & Pembangunan	2,259,380.00	-	-
Program Temasya Selangor	45,000.00	-	-
Pendidikan Tahfiz Al Quran	500,000.00	-	-
Jumlah	97,838,291.33	15,842,512.91	46,844,406.39
Senarai lain-lain program			
PEKAWANIS NGO - Biaya operasi pusat dialisis	-	-	90,000.00
Sumbangan Pembangunan Kg. Baru	-	3,810.00	33,540.00

Program Yayasan Samarahan	-	-	150,000.00
Program Yayasan Cendiakawan Melayu Baru	-	70,000.00	-
Sumbangan - Anak Yatim Aidilfitri	-	100,000.00	-
Sumbangan- Pusat Dakwah Serantau	-	10,000.00	20,000.00
Sumbangan Topeng Jerebu	-	-	1,300.00
Sumbangan Flat Pandamar	-	-	2,500.00
Bantuan Perubatan - Sulaiman @ Suhaimi / Adik Mawar & Adam	-	-	5,000.00
Sumbangan - Inpens Majlis Konvokesyen	-	5,000.00	-
Sumbangan - Mangsa Banjir	1,519,800.00	-	-
Sumbangan - Masyarakat Cina	195,000.00	-	-
Sumbangan - Masyarakat India	200,000.00	-	-
Sumbangan lain	145,284.50	9,024.56	8,700.00
		-	-
Jumlah	2,060,084.50	197,834.56	311,040.00
JUMLAH SUMBANGAN TAHUNAN	99,898,376	16,040,347	47,155,446

LAMPIRAN TOURISM SELANGOR SDN BHD**Sumbangan / CSR yang telah disalurkan untuk program Kerajaan Negeri dan lain-lain**

	2015 RM	2014 RM	2013 RM
Jumlah peruntukan tahunan	30,000.00	5,000.00	-
Senarai Program Kerajaan negeri			
-			
Jumlah	-	-	-
Senarai lain-lain program			
- Sumbangan Mangsa Banjir Kelantan	-	5,000.00	-
- Program Sentuhan Kasih Lebaran 2015 bersama Cadbury di Tesco dan Royale Chulan Damansara	16,000.00	-	-
- Junior Eco Troupes Program 2015 di Kelip-Kelip Kampung Kuantan Kuala Selangor	14,000.00	-	-
Jumlah	30,000.00	5,000.00	-
JUMLAH SUMBANGAN TAHUNAN	30,000.00	5,000.00	-

LAMPIRAN UNISEL

Sumbangan / CSR yang telah disalurkan untuk program Kerajaan Negeri dan lain-lain

	2015 RM	2014 RM	2013 RM
Jumlah peruntukan tahunan	18,900.00	23,100.00	36,800.00
Senarai Program Kerajaan negeri			
- Item -	-	-	-
Jumlah	-	-	-

Senarai lain-lain program**1. Program UNISMART - Fast track SPM**

- Sewaan Rumah Lot tengah (RM700) - (2013 -11 unit, 2014 -17 unit, 2015 -32 u	7700	11900	22400
- Sewaan Rumah Lot tepi (RM800) (2013 -9 unit, 2014 -9 unit, 2015 -13 unit)	7200	7200	10400
- Sewaan Lot Rumah Kedai (Anggaran-RM1000*) (2013 -4 unit, 2014 -4 unit, 2015 -4 unit)	4000	4000	4000

*Berdasarkan kadar sewaan lot bersebelahan

Jumlah	18,900.00	23,100.00	36,800.00
JUMLAH SUMBANGAN TAHUNAN	18,900.00	23,100.00	36,800.00

LAMPIRAN KUMPULAN DARUL EHSAN BERHAD**Sumbangan / CSR yang telah disalurkan untuk program Kerajaan Negeri dan lain-lain**

	2015 RM	2014 RM	2013 RM
Jumlah peruntukan tahunan	505,000.00	428,750.00	531,551.00
Senarai Program Kerajaan negeri			
- Program Raja Muda - Tourism Selangor	-	20,000.00	-
- Sumbangan Lembu Korban	500,000.00	408,750.00	322,714.00
- Sumbangan banjir ke Negeri Pahang, Johor, Terengganu	-	-	50,000.00
- Sumbangan "Thumb drive"	-	-	1,897.00
- Sumbangan Greenfest Selangorku Carnival	5,000.00	-	-
Jumlah	505,000.00	428,750.00	374,611.00
Senarai lain-lain program			
- Sumbangan kepada Tabung Warisan Negeri Selangor	-	-	156,940.00
Jumlah	-	-	156,940.00
JUMLAH SUMBANGAN TAHUNAN	505,000.00	428,750.00	531,551.00

LAMPIRAN COMMUNICATION CORPORATION SDN BHD**Sumbangan / CSR yang telah disalurkan untuk program Kerajaan Negeri dan lain-lain**

	2015 RM	2014 RM	2013 RM
Perkhidmatan informasi untuk rakyat Selangor (Surat khabar percuma)	6,309,478	6,565,961	9,251,394
JUMLAH SUMBANGAN TAHUNAN	6,309,478	6,565,961	9,251,394

LAMPIRAN KSSB**Sumbangan / CSR yang telah disalurkan untuk program Kerajaan Negeri dan lain-lain**

	2015 RM	2014 RM	2013 RM
Jumlah Peruntukan tahunan (A+B)	8,300,000.00	7,960,000.00	9,000,000.00
Peruntukan tahunan (A)	7,300,000.00	6,950,000.00	7,500,000.00

Senarai Program Kerajaan negeri

- Program Kerajaan Prihatin	-	1,000,000.00	1,000,000.00
- Kejohanan Golf Selangor Maters	-	50,000.00	300,000.00
- Pembelian Lembu Korban Peringkat Negeri Selangor	740,000.00	408,750.00	330,486.00
- Tabung Warisan Negeri Selangor	578,843.00	316,514.00	264,644.00
- Bantuan Banjir Pantai Timur & Utara Semenanjung	-	200,000.00	-
- Karnival Jelajah Generasi Idaman Selangor (GEMS)	-	1,500.00	-
- Kejohanan Sukan SUK Malaysia	-	500.00	-
- Program Tahfiz AL-Quran & Al-Qiraat	500,000.00	-	-
- Penajaan kepada FAS bagi musim 2014/2015	5,000,000.00	-	-
- Penajaan Piala Sultan Selangor	200,000.00	-	-
- Majlis Sambutan Hari Raya Aidilfitri Negeri Selangor	600,000.00	-	-
- Tabung Generasi YAWAS (Teras)	50,000.00	-	-
- Penajaan Kejohanan Golf Jemputan Raja Muda Worldwide Holdings Selangor	20,000.00	-	-
- Temasya Selangor	45,000.00	-	-
- Tajaan Majlis Sambutan Tahun Baru Cina Peringkat Negeri Selangor	5,000.00	-	-
Jumlah	7,738,843.00	1,977,264.00	1,895,130.00

2015 RM	2014 RM	2013 RM
------------	------------	------------

Peruntukan tahunan (B)	1,000,000.00	1,010,000.00	1,500,000.00
Senarai lain-lain program			
- Sumbangan Tabung persatuan bagi menjayakan program/majlis/bengkel (Badan Kebajikan & Kelab)	213,104.00	81,677.00	44,750.00
- Program-Program Pemuliharaan dan Pemeliharaan Alam Sekitar, Projek Bekalan Air dan Sumbangan Pasir (Projek KSSB, Agensi Kerajaan dan Persatuan)	5,326.00	555,640.00	-
- Sumbangan Pembiayaan Program dan Aktiviti Berkaitan Keagamaan (Rumah Ibadat & Persatuan Keagamaan)	45,000.00	9,550.00	27,500.00
- Sumbangan Membina, Menaiktaraf dan Membaikpulih Bangunan dan Infra (Rumah Ibadat, Sekolah & Persatuan Penduduk)	98,567.00	40,649.00	86,000.00
Jumlah	361,997.00	687,516.00	158,250.00
JUMLAH SUMBANGAN TAHUNAN	8,100,840.00	2,664,780.00	2,053,380.00

LAMPIRAN PNSB**Sumbangan / CSR yang telah disalurkan untuk program Kerajaan Negeri dan lain-lain**

		2015 RM	2014 RM	2013 RM
Jumlah peruntukan tahunan		3,528,454.00	2,168,550.00	-
Senarai Program Kerajaan negeri	Penerima			
- Sumbangan Anak Syarikat Kerajaan Negeri untuk Program Kerajaan Prihatin	Bendahari Negeri Selangor		1,000,000.00	
		-		-
- Sumbangan Lembu Korban sempena Hari Raya Aidiladha 2014	MBI	-	408,750.00	-
- Pertandingan 'The Sultan Selangor's Cup 2014 (MSN Selangor)	MSNS	-	100,000.00	-
- Tajaan Kejohanan Golf Selangor Master	Bendahari Negeri Selangor	-	200,000.00	-
- Sumbangan Anak Yatim Negeri Selangor sempena Aidilfitri 2014 (YIDE)	YIDE	-	2,000.00	-
- Membekal Kain Songket (Samping) sempena Rumah Terbuka MB Selangor 2015	REKAKAMI	5,804.00		
			-	-
- Sumbangan Majlis Sambutan Hari Raya Aidilfitri 2015 peringkat Negeri Selangor	Bendahari Negeri Selangor	600,000.00		
			-	-
- Sumbangan Lembu Korban sempena Hari Raya Aidiladha 2015	MBI	740,000.00	-	-
- Sumbangan Program Pendidikan Tahfiz	KUIS	1,000,000.00	-	-
- Sumbangan untuk majlis Kebajikan dan sukan anggota-anggota Kerajaan Selangor (MAKSAK) sempena Karnival Sukan Nasional Jabatan Perancangan Bandar dan Desa Semalaysia ke XVII	Bendahari Maksak Selangor	1,000.00		
			-	-
- The Sultan Selangor Cup 2015	MSN	600,000.00	-	
- Sumbangan Pasca Banjir Perbadanan dan korporat Negeri Selangor untuk misi kemanusiaan di Negeri Kelantan, Terengganu, Pahang dan Perak	Bendahari Negeri Selangor	300,000.00		
			-	-
- Sumbangan penajaan Kejohanan Golf Master Jemputan Raja Muda Worldwide Holdings Selangor 2015	Bendahari Negeri Selangor			
		-	-	-

Jumlah		3,246,804.00	1,710,750.00	-
--------	--	--------------	--------------	---

Senarai lain-lain program

	Penerima			
- Sumbangan dana tanggungjawab sosial korporat (CSR) kepada Masjid Al-Falah USJ bagi menjayakan Majlis Duhai Rasul, Engkau Tetap Dalam Hati kami	Masjid Al-Falah USJ 9	1,000.00	-	-
- Sumbangan sempena Tahun baru Cina 2014 anjuran PEKAWANIS	PEKAWANIS	136,500.00	-	-
- Sumbangan Khairat kematian kepada keluarga Allahyarhamah Adik Amanda Dany Shah	BAKRI	1,000.00	-	-
- Sumbangan kepada pusat Jagaan dan asuhan Draudhatul Ikhwan (PJDRI)	Draudhatul Ikhwan	2,000.00	-	-
- Sumbangan anuegerh pelajar terbaik bidang latihan dan kemahiran untuk Majlis Konvokesyen kali ke 18 INPENS	Inpen Selangor	2,000.00	-	-
- Sumbangan bagi program kelas harapan untuk pelajar miskin anjuran KKNIS	Kelab Kebajikan 'Nur Insaniah	1,000.00	-	-
- Sumbangan sempena Hari Raya Aidilfitri 2014 anjuran PEKAWANIS	PEKAWANIS	136,200.00	-	-
- Sumbangan tanggungjawab sosial korporat kepada penganjuran karnival kerja & keusahawanan islam 2014 anjuran kolej Universiti Islam Antarabangsa Selangor (KUIS)	Akaun Aktiviti pelajar KUIS	2,000.00	-	-
- Sumbangan penganjuran program jalinan ukhwah bersama anak-anak Yatim ke Zoo Negara anjuran pelajar fakulti pengurusan perniagaan Uitm Kampus Puncak Alam	Muhamad Ihsan bin Haron	1,500.00	-	-
- Sumbangan surau An-Nur Taman Kantan Permai, Kajang	Tabung Pembinaan Surau An-Nur Taman Kantan Permai Kajang	1,000.00	-	-
- Sumbangan golf persahabatan RHB Classic 2014	RHB Golf Classic	4,000.00	-	-
- Sumbangan untuk anugerah Naib Canselor sempena istiadat konvoseksyen UNISEL kali ke 19	Universiti Selangor	2,000.00	-	-
- Peruntukan tambahan oleh anak-anak syarikat untuk program Raja Muda International Regatta edisi ke 25 tahun 2014	Tourism Selangor SSIC Berhad	20,000.00	-	-
- Kejohanan golf jemputan pelaburan Negeri Selangor kali ke 12 (2014)	SSIC Berhad	600.00	-	-
- Sumbangan tanggungjawab sosial korporat CSR kepada Surau Al-Firdaus, Taman Banting Baru, Banting, Selangor	Badan Khairat Kematian Surau Al-Firdaus	1,000.00	-	-
- Sumbangan untuk kelab SUK Selangor sempena kejohanan SUK se Malaysia 2014	Bendahari MAKSAK Selangor	1,000.00	-	-

- Sumbangan penajaan untuk pasukan Bola Sepak Selangor bagi menghadapi kejohanan Piala Emas Raja-Raja ke-74	Persatuan Bolasepak Melayu Selangor	-	10,000.00	-
- Penajaan ruang iklan bagi buku direktori untuk jamuan teh pesara-pesara Kerajaan anjuran Suruhanjaya perkhidmantan Awam Negeri Selangor	Kelab Kebajikan dan Sukan Pejabat Daerah PETANDA Petaling	-	10,000.00	-
- Tajaan tiket ke konsert Hati emas Kembara 22 November 2014	Smart Mobile Technology Sdn Bhd	-	25,000.00	-
- Pembiayaan program sumbangan kembali ke Sekolah	PEKAWANIS	-	100,000.00	-
		-	-	-
- Sumbangan bagi program kelas harapan untuk pelajar miskin anjuran kelab Kebajikan Nur Insaniah Selangor (KKNIS)	Kelab Kebajikan Nur Insaniah Selangor	1,000.00	-	-
- Penajaan pembelian cenderahati kepada Kumpulan Semesta Sdn Bhd untuk majlis ramah mesra pegawai-pegawai komunikasi korporat Negeri Selangor bersama YAB Dato' Menteri Besar Selangor	Kumpulan Semesta sdn Bhd	3,650.00	-	-
- Golfers challenge JPPH 2015	KUSUPEN	2,000.00	-	-
- Sumbangan dan tajaan anak syarikat Negeri Selangor bagi penganjuran temasya Selangor 2015	Tourism Selangor Sdn Bhd	45,000.00	-	-
- Sumbangan tajaan syarikat kepada penganjuran sambutan Tahun Baru Cina peringkat Negeri Selangor 2015	SSIC Berhad	10,000.00	-	-
- Anugerah graduan terbaik dalam kursus Juruteknik Sistem Komputer bagi majlis Konvokesyen kali ke 19 Inpens Internatioanl College	Inpen (Selangor) Sdn Bhd	3,000.00	-	-
- Tabung Generasi Yayasan Warisan Anak Selangor (YAWAS)	Yayasan Warisan Anak Selangor	1,000.00	-	-
- Penajaan untuk program Jamboree MTB Warisan Batu Arang 2015 Anjuran Jawatankuasa Kemajuan & Keselamatan Kampung Batu Arang	Pro Ground	1,000.00	-	-
- Sumbangan kepada Kelab Basikal Acmar (ACC)	Kelab Basikal Acmar (ACC) Acmar Sport Club	2,000.00	-	-
- Sumbangan kepada adik Qaseh Qasreena Qaisara yang mempunyai masalah Cleft Plate (Sumbing bahagian lelangit)	Nurul Asikin binti Adnan	1,000.00	-	-
- Program khidmat komuniti oleh Kelab Kamar Penasihat Undang-Undang Negeri Selangor	Kelab Penasihat Undang-Undang Negeri Selangor	2,000.00	-	-
- Sumbangan bagi pengubahsuaian Surau Al-Kahfi Pinggiran Batu Caves, Daerah Gombak. Selangor	Surau Al-Kahfi	50,000.00	-	-

- Sumbangan bagi majlis berbuka puasa untuk pelajar asnaf di Kolej Universiti Islam Selangor (KUIS) anjuran Yayasan KUIS	Yayasan Kuis	2,000.00	-	-
- Sumbangan program semarak Ramadhan 1436H/2015M Surau Al-Falah Kampung Sesapan Kelubi, Beranang, Selangor	Surau Al-Falah	1,000.00	-	-
- Sumbangan bagi projek penambahbaikan Surau As-Salaam Sri Mahligai	Surau As Salaam	30,000.00	-	-
- Pendahuluan 50% bagi sumbangan pembelian Lembu Korban program korban Perdana YAB. Dato Menteri Besar Selangor 2015	Cherakah Jaya Resources	35,000.00	-	-
- Baki bayaran bagi sumbangan pembelian Lembu Korban program Korban Perdana YAB. Dato' Menteri Selangor 2015	Cherakah Jaya Resources	35,000.00	-	-
- Sumbangan penajaan Golf Amal Yayasan Islam Darul Ehsan	Majlis Agama Islam Selangor	3,000.00	-	-
- Sumbangan Tajaan Pelajar Cermerlang Anugerah Naib Canselor sempena Istiadat Konyokesyen Universiti Selangor kali ke 10	Universiti Selangor	3,000.00	-	-
- Sumbangan bagi tabung Kelab Keluarga Jabatan Hal Ehwal Orang Asli Negeri Selangor dan Wilayah Persekutuan	KESWA	1,000.00	-	-
- Bantuan Dana bagi persediaan pasukan selangor ke Kejohanan Bolasepak Piala Emas Raja-Raja Edisi Ke 75, Tahun 2015	Persatuan Bolasepak Melayu Selangor	20,000.00	-	-
- Sumbangan peruntukan bagi kejohanan Piala Emas Raja-Raja 2015	Majlis Sukan Daerah Sabak Bernam	30,000.00	-	-
Jumlah		281,650.00	457,800.00	-
JUMLAH SUMBANGAN TAHUNAN		3,528,454.00	2,168,550.00	-

**PERTANYAAN-PERTANYAAN MULUT DARIPADA
Y.B. TUAN KAMAROL ZAKI BIN ABDUL MALIK
(N01 SUNGAI AIR TAWAR)**

TAJUK : TANAH PKPS DI TEPI SUNGAI TENGAR UTARA,SABAK BERNAM

333. Bertanya kepada Y.A.B. Dato' Menteri Besar:-

- a) Berapakah kos yang telah dibelanjakan dalam operasi tanaman saawit di kawasan berkenaan?
- b) Adakah benar tanah tersebut akan ditukar kepada penempatan penduduk miskin?

JAWAPAN:

- a) Sehingga bulan Ogos 2015, PKPS telah berbelanja sebanyak RM340,000 bagi memulakan projek penanaman kelapa sawit di tanah tersebut. Perbelanjaan ini merangkumi kerja-kerja pembersihan kawasan, pembinaan sistem perparitan, penyediaan lubang-lubang penanaman, pembinaan jalan ladang dan pemasangan pagar sempadan. Pembiayaan projek sepenuhnya menggunakan sumber dalaman PKPS.
- b) Tidak benar. Kerajaan Negeri tiada perancangan untuk menukar tanah tersebut kepada penempatan penduduk miskin.

**PERTANYAAN-PERTANYAAN MULUT DARIPADA
Y.B. TUAN LOH CHEE HENG
(N52 TELUK DATUK)**

TAJUK : KEMALANGAN JALAN RAYA

334. Bertanya kepada Y.A.B. Dato' Menteri Besar:-

- a) Apakah langkah pencegahan dilakukan oleh Kerajaan Negeri untuk menurunkan kadar peratusan kemalangan jalan raya di Negeri Selangor?
- b) Sila menyatakan jumlah kes kemalangan maut jalanraya yang telah berlaku dalam Tahun 2015 di Jalan Klang-Banting-Port Dickson (Dari DUN Sijangkang-Telok Datok- Morib).

JAWAPAN:

- a) Kerajaan Negeri Menerusi Majlis Keselamatan Jalan Raya (MKJR) Negeri Selangor sentiasa bekerjasama rapat dengan pelbagai pihak yang terlibat seperti Polis Diraja Malaysia (PDRM), Jabatan Pengangkutan Jalan (JPJ), Jabatan Keselamatan Jalan Raya (JKJR), Kementerian Kesihatan, Jabatan Kerja Raya (JKR), Kementerian Pendidikan Malaysia dan agensi kerajaan lain serta pihak swasta dan badan bukan kerajaan (NGO) berkaitan dalam pelbagai aktiviti penguatkuasaan dan kempen kesedaran sebagai langkah pencegahan bagi mengurangkan kadar kemalangan jalan raya di negeri ini. Kerjasama yang dijalankan ini turut melibatkan pendidikan keselamatan jalan raya bermula dari peringkat kanak-kanak sebagai inisiatif jangka panjang bai melahirkan generasi baru pengguna jalan raya yang mengamalkan budaya selamat, beradab, berhemah dan berhati-hati di jalan raya.
- b) Berdasarkan kepada statistik yang dikeluarkan oleh pihak Polis DiRaja Malaysia (PDRM), sebanyak 951 kes kemalangan telah berlaku mulai Januari 2015 sehingga September 2015 di Jalan Klang – Banting – Port Dickson (dari DUN Sijangkang – Telok Datuk – Morib). Daripada jumlah ini, sebanyak 13 kes dikategorikan sebagai kemalangan maut dan melibatkan 13 kematian.

**PERTANYAAN-PERTANYAAN MULUT DARIPADA
Y.B. DATUK SULAIMAN BIN ABDUL RAZAK
(N09 PERMATANG)**

TAJUK : PEMBANGUNAN LUAR BANDAR

335. Bertanya kepada Y.A.B. Dato' Menteri Besar:-

- a) Berapakah peruntukan kerajaan negeri untuk pembangunan luar bandar pada tahun 2015?
- b) Nyatakan program yang telah dilaksanakan oleh kerajaan negeri untuk pembangunan kawasan luar bandar pada tahun 2015?

JAWAPAN:

- a) Kerajaan Negeri sentiasa meletakkan kepentingan yang tinggi terhadap pembangunan luar bandar di Selangor. Atas keprihatinan ini, Kerajaan Negeri telah meluluskan peruntukan berjumlah RM2.5juta bagi tujuan pelaksanaan program untuk meningkatkan ekonomi dan memperkasakan kampung tradisi. Pecahan peruntukan untuk pembangunan luar bandar dari aspek pelaksanaan program pada tahun 2015 adalah seperti berikut:

BIL.	PERUNTUKAN	VOT	JUMLAH PERUNTUKAN
1.	Pembangunan Ekonomi Kg. Tradisi	P01-02003	RM2,000,000.00
2.	Aktiviti Pembangunan Kampung	P01-02005	RM500,000.00
JUMLAH KESELURUHAN			RM2,500,000.00

- b) Program yang telah dilaksanakan oleh Kerajaan Negeri untuk pembangunan kawasan luar bandar pada tahun 2015 iaitu Program Karnival Kampungku Kesayanganku (3K) dengan objektif utama iaitu melahirkan penduduk desa yang memperkasa institusi masjid sebagai pusat pembangunan komuniti, membangun kampung dari sudut fizikal, spiritual dan ekonomi serta dapat mengenengahkan adat Melayu dan warisan kampung. Program ini telah dilaksanakan di enam (6) buah daerah iaitu Sabak Bernam (Mac), Kuala Selangor (Mac), Klang (April), Kuala Langat (Mei), Petaling (September) dan Sepang (Oktober). Manakala sebanyak tiga (3) buah daerah lagi iaitu

Gombak, Hulu Langat dan Hulu Selangor masing-masing akan diadakan pada bulan Oktober, November dan Disember. Program ini menggunakan peruntukan sebanyak RM347,800.00.

Selain itu, tumpuan utama Kerajaan Negeri adalah dengan melaksanakan Pertandingan Anugerah Kg. Tradisi Terbaik dan Pertandingan Anugerah Usahawan Desa Terbaik yang berhasrat untuk memberi pengiktirafan dan galakan kepada kepimpinan kampung atas kejayaan yang dicapai dan melonjakkan kecemerlangan pada masa hadapan dan memberi peluang kepada masyarakat di desa yang telah menceburkan diri di dalam dunia perniagaan dan keusahawanan. Pertandingan ini adalah terbuka kepada semua Kg. Tradisi iaitu seramai 368 buah kampung dan telah selesai dilaksanakan pada bulan September – Oktober. Jumlah peruntukan adalah sebanyak RM328,900.00.

Manakala melalui Kursus Pemantapan Ketua Kampung dan JKKK, Kerajaan Negeri telah mendedahkan kepada Ketua Kampung dan JKKK berkaitan cara-cara mengurus pasukan, menyelesaikan konflik dan peranan seorang pemimpin masyarakat bagi membawa misi dan visi kerajaan bagi membangkitkan rasa percaya dan hormat di kalangan ahli pasukan. Kursus ini telah dilaksanakan sebanyak 4 siri dan telah selesai dilaksanakan pada bulan April dan Mei. Jumlah peruntukan adalah sebanyak RM112,540.00.

Selain itu, melalui pelaksanaan Program Pembangunan Usahawan Desa dan Kampung Tradisi Negeri Selangor: Kursus Kemahiran Jangka Pendek, penglibatan daripada peserta adalah seramai 215 orang. Program ini yang bertujuan memberi pengetahuan dan tambah nilai dari segi kemahiran kepada belia atau masyarakat di desa yang tidak berpeluang untuk meneruskan pengajian secara formal serta memberi peluang kepada masyarakat di desa yang berminat untuk menceburkan diri di dalam dunia perniagaan dan keusahawanan. Program ini telah dilaksanakan secara berasingan di INPENS International College dan Institut Teknologi Kulinari Anjung Utara (ITKAU) pada bulan ogos dan September. Jumlah peruntukan adalah sebanyak RM210,124.00.

Kerajaan Negeri juga akan melaksanakan Program 1 Daerah 1 Inkubator yang telah melibatkan sebanyak 4 buah inkubator di 4 daerah yang berasingan. Manakala pada tahun 2016, baki sebanyak 5 buah inkubator akan dilaksanakan di daerah yang lain. Program ini dicadangkan untuk memberdayakan ekonomi warga desa dan kampung tradisi. Program ini juga akan meningkatkan taraf sosial rakyat Negeri Selangor ke arah kesejahteraan negeri. Program ini akan dilaksanakan pada bulan November. Jumlah peruntukan adalah sebanyak RM600,000.00.

Manakala bagi Program Pembangunan Usahawan Desa dan Kampung Tradisi Negeri Selangor: Industri Komuniti Kampung akan dilaksanakan pada bulan November. Program ini merupakan lanjutan Kursus Kemahiran Jangka Pendek yang bertujuan memberi pengetahuan dan tambah nilai dari segi kemahiran kepada belia atau masyarakat di desa yang tidak berpeluang untuk meneruskan pengajian secara formal serta memberi peluang kepada masyarakat di desa yang berminat untuk menceburkan diri di dalam dunia perniagaan dan keusahawanan. Jumlah peruntukan adalah sebanyak RM793,300.00.

**PERTANYAAN-PERTANYAAN MULUT DARIPADA
Y.B. TUAN SHAHRUM BIN MOHD SHARIF
(N55 DENGKIL)**

TAJUK : *MASTER TITLE* PUTRA PERDANA

336. Bertanya kepada Y.A.B. Dato' Menteri Besar:-

- a) Apakah status terkini proses penyelesaian masalah Master Title Putra Perdana?
- b) Apakah perkara yang masih menjadi halangan untuk perkara ini diselesaikan?
- c) Bilakah jangkaan tarikh permasalahan ini dapat diselesaikan?

JAWAPAN:

- a) Secara keseluruhannya, Projek Pembangunan Putra Perdana adalah satu projek perumahan dalam skala yang agak besar. Projek ini melibatkan urusan tanah-tanah sebanyak 12 Plot kesemuanya. Daripada jumlah tersebut, hanya 5 Plot yang telah selesai urusan tanah. Manakala baki 7 Plot masih belum dapat diselesaikan dan masih dalam tindakan pihak-pihak yang terlibat.
- b) Antara perkara-perkara yang menghalang kelancaran proses urusan tanah bagi projek Pembangunan Putra Perdana adalah seperti berikut:
 - i) Bayaran premium gagal dijelaskan dalam tempoh yang ditetapkan dan tempoh pembayaran tersebut telah luput.
 - ii) Dokumen hakmilik asal tidak diserahkan oleh Pemilik Tanah pada masanya.
 - iii) Terdapat Kaveat Persendirian yang dimasukkan oleh pihak-pihak yang berkepentingan.
 - iv) Pertukaran pengurusan dalam Syarikat juga memberi kesan kepada proses penyelesaian.
- c) Dalam keadaan semasa Pejabat Tanah boleh menyelesaikan urusan tanah yang terlibat dalam tempoh 3 bulan. Walau bagaimanapun, projek Putra Perdana ini tidak dapat diselesaikan dalam tempoh biasa kerana terdapat halangan-halangan yang telah disebutkan di atas. Dalam hal ini, Pemilik Tanah dan Pemaju adalah dinasihatkan untuk mengemukakan permohonan baru bagi penyelesaian hakmilik individu bagi plot-plot terlibat.

*** MAKLUMAT TAMBAHAN**

BIL.	PLOT	HAKMILIK INDUK	CATATAN
1.	A	PN 39250 Lot 14000	Selesai – hakmilik asal telah dibatalkan dan hakmilik individu telah dikeluarkan.
2.	B	PN 39251 Lot 14001	Selesai – bagi Fasa 1 sahaja dan hakmilik asal telah dibatalkan manakala bagi Fasa 2 dan 3 telah dimohon semula melalui permohonan pemberimilikan tanah di bawah Seksyen 76 Kanun Tanah negara.
3.	C	PN 39252 Lot 14002	Tidak selesai – hakmilik asal tidak dapat dibatalkan kerana terdapat kaveat persendirian.
4.	D	PN 39253 Lot 14003	Selesai – hakmilik asal telah dibatalkan.
5.	E	PN 39254 Lot 14004	Tidak selesai – hakmilik asal tidak diserahkan dan bayaran premium juga tidak dibayar dan telah luput.
6.	F	PN 39255 Lot 14005	Tidak selesai – premium tidak dibayar dan telah luput tempoh pada 1 Mei 2002.
7.	G	HSD 2479 PT 6256 (Lot 14006)	Selesai – hakmilik asal telah dibatalkan dan 619 hakmilik baru telah didaftarkan.
8.	H	PN 39256 Lot 14007	Selesai – hakmilik asal telah dibatalkan dan hakmilik individu telah dikeluarkan.
9.	I	PN 39257 Lot 14008	Tidak selesai – Tanah Rizab Melayu.
10.	J	PN 39259 Lot 14010	Tidak selesai
11.	K	PN 39258 Lot 14009	Tidak selesai
12.	L	PN 39260 Lot 14011	Tidak selesai